


Gesine Wanke

Plattdüütsch vun Ingrid Straumer

Mammut un Corona

Deel 2



© Heidrun Schlieker

As Mammut loter öber un öber schietig un strubbelig to'n Meddageten in de Köök kümmt, röppt Mama: „Ach du leve Tied, wo süht du denn ut Mammut?“

„Naja“, grient Dominik, egens süht dat ut as du, Mama, wenn du vun Arbeit na Huus kümmt.“

„Wat seggst du?“, röppt Mama füüensch, man Papa un Mia nickkoppt darto.

Lütt Mammut kickt sik mitdewiel sien Schöttel mit Pastinaken an. Pastinaken! Dor is wiss ok disse Corona Schuld an. Dat süht ehr liek: Huusopgaven un Pastinaken! Mammut treckt den Rüssel kruus un versöcht to glieke Tied Dominik un Mia mit de Ogen antoplinkern un ok noch no den Goorn hentoschulen. Plinkern, schulen, plinkern, schulen no Dominik, plinkern, schulen, plinkern schulen no Mia, plinkern, schulen, plinkern schulen...

„Leve Tied, Mammut, wat is di? Hest du wat mit de Ogen? Or is di wat op den Kopp fullen?“

Papa is heel in Sorg üm lütt Mammut.

„Nee“, meent Dominik, he plinkert uns to, Mia un mi. He will, wat wi mit in'n Goorn kaamt“.

„Erst opeten, Mammut!“, kommandeert Mama blots. Mammut rullt nochmol mit de Ogen, bevör he sik öber de Pastinaken hermookt.

No dat Eten haalt Dominik un Mia jemehr Jacken un Schöh un lütt Mammut wiest jem stolt den Weg in'n Goorn.

Schriev an disse Steed sülvst wieder:

Wat wiest dat Mammut de Kinner in'n Goorn?

Un wat mookt de dree nu den Nomeddag ?

Wat seggt Mama un Papa to Mammut sien Öberraschen?

Mutt blots lütt Mammut obens in de Baadwann, or mööt se alle dree dor rin?